

Siasat bacaan imam solat tarawih

JAIK akan buat teguran sekiranya tidak menepati hukum tajwid

Oleh NORMAWATI ADNAN IPOH

Jabatan Agama Islam Perak (JAIK) akan membuat siasatan lanjut berhubung bacaan imam dalam solat tarawih di sebuah masjid di negeri ini seperti mana video tular di media sosial pada Ahad.

Pengarah JAIK, Harith Fadzliah Abdul Halim berkata, tindakan lanjut termasuk teguran akan diberikan sekiranya didapati bacaan berkenaan tidak menepati hukum tajwid.

"Setakat ini belum ada laporan



Tangkap layar perkongsian video memaparkan sekumpulan jemaah menunaikan solat tarawih di sebuah masjid di Perak.

an dibuat, namun sekiranya kami dapat bacaan imam tidak menepati hukum tajwid, maka teguran akan diberikan kepada pihak berkenaan," katanya kepada pemberita pada Isnin.

Video berdurasi 1 minit 29 saat itu dimuat naik di laman Twittar sejak Jumaat menunjukkan sekumpulan jemaah me-

nunaikan solat tarawih di sebuah masjid di Perak.

Keadaan itu menjadi pertikaian orang ramai apabila solat lapan rakaat itu didirikan dengan cepat dan hanya selesai dalam tempoh 10 minit dengan beberapa warganet meninggalkan komen bahawa masjid yang dimaksudkan itu terletak di Taiping.